



UNIVERSITÄTS-
BIBLIOTHEK
PADERBORN

Universitätsbibliothek Paderborn

**R. P. || Lv dovici || De Ponte Vallis-|| Oletani, È Societate ||
Jesv Theologi.|| De || Christiani hominis || Perfectione In
Qvo-|| libet eius Vitæ genere.|| Tomi Qvatvor.||**

Quorum argumenta ex S. Rvth Historia præcipué desumpta

Puente, Luis de la

Coloniæ Agrippinæ, 1625

§. 1. Zelus & eius actus.

urn:nbn:de:hbz:466:1-39637

iratus eosdem reprimat, ne mali fiant. Ne autem existiment, eam seueritatē manere tantum in *toruo vultu*: oportet suo tempore etiam induere iustam *vindictam*, puniendo delinquentes, vt alij cauciores fiant. Sed hanc *ultionem* non confert Isaias cum armis ex ferro & ex chalybe, sed cum *vestimentis*, quæ solent esse ex *mollis lana*: vt intelligatur, non oriri ultionem ex odio, rancore, aut ira; sed ex *amore*, & cum lenitate: ostendendo *compassionem* in eum, qui punitur: vt paulò post videbimus.

§. I. *Zelus & eius actus.*

4.
1.2.g.28.Ar-
tic.4.
Zelus effe-
ctus amoris.
Ca.4.de di-
uin.nom.
par.1.

DEBET quoque Princeps armari feruenti **ZELO**, qui *iustitiam* comitetur, & *indignationem*, & reliqua opera, quæ fecerit: vt & legem ipse custodiat, & alios seruare faciat. Hic **ZELVS**, vt S. Thomas ait, est præcipuus *amoris* effectus: qui enim multum diligit alium, statim procurat remouere, & impedire quoduis malum, damnum, aut iniuriam, quæ illi infertur. Et quò amor est maior, eò etiam zelus est vehementior. Et quoniam **DEVS** ad eò amat creaturas, ideò (ait S. Dionysius) vocatur per eminentiam *zelotes*, boni scilicet eorum qui *zelant* eius honorem. Et hinc fit, vt singulis amoris actibus respondeat actus zeli proportionati: & quot sunt bona, quæ amat charitas, tot actus zeli ab ea procedunt. Nam, quia Deum amat, zelum habet eius *gloria*; & cupit, quicquid illi aduerlatur, impedire; quoniam propriam amat *salutē*: zelo magno illam procurat, resistendo omnibus, quæ illum possunt impedire; quoniam *Reip. commune bonum* amat: zelum habet illud conseruandi ac promouendi, omnia remouendo, quæ illi nocere possunt. Et in hunc modum est zelus obedientiæ, castitatis, iustitiæ, & reliquarum virtutum, quia omnes amat; & vitia destruere cupit, quæ illis aduersantur. Sed omnes hi zeli actus reducuntur ad zelum *custodiendi* leges, & *dandi operam*, vt & alij eas custodiant. Qui *duos* actus habet, internum vnum, & alterum externum. *Internus* est vehemens quædam tristitia ac *dolor* de miserijs, quæ sunt in Rep. tam *spiritualibus*, quæ sunt vitia & peccata; quàm *temporalibus*, quæ sunt calamitates, quibus Deus punit peccatores. Qui dolor non solum propterea habetur, quod timeat, ne fortè incuria sua, aut mala gubernatio sit eorum peccatorum causa: sed præcipuè, quòd sint *contra legem Dei*; & ita ipsum offendant; & propter damnū, quod adferunt toti communitati, & singulis ciuibus. Hic erat zelus, de quo Dauid: *a tabescere me fecit zelus meus, quia obliui sunt verba tua inimici mei*. vt autem hunc dolorem ostenderet, non esse ex proprio damno, dicit in alio loco: *b nonne qui oderunt te Domine, oderam: & super inimicos tuos tabescebam?* Et quoniam zelus hic internus non potest otiosus esse: simul adfert secum *decretum* & resolutionem

Zelus inter-
nus legis Dei
& boni pu-
blici.

a Psal. 118.
139.

b Psal. 138.
21.

faciendi

faciendi quicquid poterit, ad hæc peccata impedienda, & ea damna reparanda: siue puniendo delinquentes, siue contra hostes Dei & Reip. pugnando, seq; si opus esset, magna animi fortitudine ad mortem in hac causa subeundam offerendo: eum in modum, quo S. Ioannes dicit de Christo D. N. quod *celus Domus Dei comederet eum*: quod videret, tot in ea fieri peccata. Et hic zelus effecit, vt ipse *quasi flagella de funiculis faceret, vt eiceret de templo eos*, qui illud prophanabant: & idem zelus effecit, vt postea corpus ipse suum offerret ad flagella, & ad mortem crucis, pro bono hominum. Ita palam ostendens infinitam suam Charitatem, *ponendo animam suam pro amicis suis*: nam zelus amoris, si alios punit; id facit, vt alios protegat, & illis benefaciat, ac propterea Isaias *pallium zeli* appellauit: nam quemadmodum *pallium* est reliquis vestimentis latius, eaque cooperit ac munda seruat; ita zelus amoris valde dilatur, & cooperit, protegit, & custodit leges ac virtutes, earumque omnes actiones: dando operam, vt in puritate & integritate conseruentur. Et boni Principes, & gubernatores pallio zeli tegunt & defendunt omnes suos subditos; iuuantes eos, vt probi sint, & virtutum perfectioni studeant, remouendo omnia impedimenta, quæ improbi illis adferunt. Ac propterea Apostolus dixit: *Principes non esse timori boni operis*. nam boni non indigent huiusmodi timore, vt peccata fugiant: quia virtus eos ad id impellit: *sed mali*, vt improborum scelera impediant. Sed vtrisque sunt *ministri Dei in bonum* suorum ciuium, quia remunerat & fouet bonos: vt in bono perseuerent; malos vero punit: vt à malo desistant, & non afficiant iniuria, nec impediant bonos. Vocat autem *Principem ministrum Dei*, vt intelligat, se habere supra se supremum alium gubernatorem eisdem armis ornatum: qui attente vigilat, vt *iustitiam* exerceat, quando eius minister id negligit conuertetque in ipsum iustæ suæ indignationis, & zeli arma. quibus illum punit: quia ipse alios non punit, cum *iustitia, virtus, & zelus* id iubeant: Iuxta sententiam Dei in Regem Israel, qui vitam iniuste donauit Regi Syriæ, dicens: *quia dimisisti virum dignum morte de manu tua, erit anima tua, pro anima eius, & populus tuus pro populo eius*, tu scilicet morieris, & populus tuus in ea incidet mala, & punitur, sicut illius populus puniri debuit. Et hic timor sufficere debet, vt Principes non negligant administrare iustitiam, memores eius, quod dixit Rex Salomon, quando iussit occidi Ioab, eò quod proditorie occidisset Abner & Amasa; dixit enim Banaia: *interfice eum, & amonebis sanguinem innocentem, qui effusus est a Ioab, a me, & a domo Patris mei*.

§. 11. *Zelosorum exempla circa legum custodiam.*

Quæ hæcenus diximus illustrabuntur, adductis insignium virorum exemplis, quorum catalogum fecit Matathias pater Machabæorū, vt illos tuos animaret, cum Respublica multis miserijs & calamitatibus esset

referta:

c Ioan. 2. 17.

d Ioan. 15.

Zelus est
pallium vir
tutum &
subditorum.

c Rom. 31. 5.

Princeps
minister
Dei.

Es. Reg. 20.

42.

Iustitia ne
glecta poena.

3. Reg. 2.

3.